



RESOLUCIÓN DE ALCALDÍA

Asunto: APROBACIÓN DA CONVOCATORIA E BASES DO CONCURSO DE DISFRACES ENTROIDO 2017

Para fomentar a participación e manter a tradición do entroido, o Concello de Cedeira organiza o “Desfile de Entroido 2017” o sábado 25 de febreiro de 2017 e convoca á veciñanza a participar nel e no tradicional concurso de disfraces.

Visto o informe favorable de Intervención de 15.02.2017.

Polo exposto, **RESOLVO:**

Primeiro.- Convocar o concurso de disfraces Entroido 2017.

Segundo.- Aprobar as bases do mesmo, recollidas como anexo ao presente acordo.

ANEXO

ENTROIDO 2017 - BASES DO CONCURSO DE DISFRACES

O Concello de Cedeira organiza o desfile de Entroido 2017 o sábado 25 de febreiro de 2017. Para fomentar a participación convócase un ano mais o tradicional concurso de disfraces de acordo coas seguintes bases:

PRIMEIRA. Para participar e optar aos premios é imprescindible cubrir a solicitude de inscrición e presentala no Rexistro do Concello (horario de 9:00 h. a 14:00 h.), ata o día 24 de febreiro de 2017 (hora límite – 14:00 h.). A persoa que actúe como representante será a que asine a solicitude de participación e deberá acompañar a fotocopia do seu DNI/NIE/Pasaporte. O/a representante asumirá todas as responsabilidades do beneficiario/a do premio, incluídas as obrigas fiscais. De depender a comparsa ou grupo dunha persoa xurídica, adxuntarase copia do CIF da entidade, do DNI/NIE/Pasaporte do representante e a acreditación da representación.

SEGUNDA. Modalidades:

–Comparsa: Considéranse comparsas un conxunto de persoas formado por un mínimo de 9 compoñentes representando un mesmo motivo.

–Grupos: Considéranse grupos un conxunto de persoas de entre 3 e 8 (ambos incluídos) compoñentes representando un mesmo motivo.

*Documento asinado electronicamente, pódese validar a sinatura co código indicado na marxe na <https://sede.cedeira.es>.
(O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).*





- Parelhas

- Individuais

As comparsas e grupos poderán optativamente presentarse apoiados dun móbil (carro, plataforma...). A altura máxima será de 3 metros.

A mesma persoa non poderá participar en máis dunha categoría

TERCEIRA. Establécense os seguintes premios:

Comparsas	Grupos	Parelhas	Individuais
1º: 500 €	1º: 200 €	1º: 40 €	1º: 30 €
2º: 300 €	2º: 150 €	2º: 30 €	2º: 20 €
3º: 200 €	3º: 100 €	3º: 20 €	3º: 15 €

A maiores entregaranse os seguintes premios especiais:

Ao mais novo	20 €
Ao mais vello	30 €

CUARTA. A clasificación das distintas modalidades será determinada polo xurado do concurso. O xurado será designado polo Concello de Cedeira e quedará constituído por representantes municipais, de entidades culturais e sociais ou outras persoas de recoñecida capacidade.

QUINTA. Durante o desenvolvemento do desfile, o xurado valorará:

Categoría Comparsas e Grupos

- Vestiario e maquillaxe 0 a 4 puntos
- Traballo feito a man e emprego de materiais de refugallo 0 a 4 puntos
- Orixinalidade 0 a 3 puntos
- Móbil acompañando á comparsa 0 a 4 puntos
- Coreografía e música 0 a 3 puntos
- Simpatía (involucrar ao público) 0 a 5 puntos

Categoría parellas e individual:

- Orixinalidade do vestiario 0 a 4 puntos
- Traballo feito a man e emprego de materiais de refugallo 0 a 4 puntos

Documento asinado electronicamente, pódese validar a sinatura co código indicado na marxe na <https://sede.cedeira.es>.
(O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).





- Maquillaxe 0 a 3 puntos
- Simpatía (involucrar ao público) 0 a 5 puntos

SÉXTA. Os grupos e persoas participantes deberán presentarse na Estación de autobuses ás 17:00 h. do día 25 de febreiro e levar a cabo o percorrido marcado pola organización con remate na Praza Roxa. No suposto de non poder facerse o desfile por cuestións meteorolóxicas, os/as participantes irán directamente ao Polideportivo onde se fará un desfile polo interior do mesmo. Os grupos que queiran poderán facer algunha actuación, baile... á chegada á Praza Roxa. Esta actividade, deberán comunicala no momento da inscrición, tendo en conta que deberán entregar a música en formato mp3, nunha memoria externa, o venres 24. Aqueles grupos que non comuniquen esta actuación, ou que tendo comunicada a mesma non entregaran a música en prazo, non poderán utilizar o equipamento acústico habilitado para o evento.

SÉTIMA. A orde de saída no desfile será designado pola organización, atendendo a cuestións como levar música soando na carroza ou ter previsto facer parada de baile...

OITAVA. A entrega de premios terá lugar, unha vez remate o desfile e actuacións dos distintos participantes, na Praza Roxa logo da avaliación polo Xurado. A información sobre a concesión de premios será publicada na páxina web do concello.

NOVENA. Os/as premiados/as deberán solicitar o pago do mesmo, a partir do luns 27, no rexistro do Concello de Cedeira, por calquera dos dous procedementos seguintes:

- Emisión dun cheque a nome do/a beneficiario/a (persoa que actúa como representante) que se identificará mediante exhibición de DNI/NIE/Pasaporte
- Transferencia bancaria aportando certificado de conta bancaria a nome da persoa xurídica ou persoa física que actúa como representante na inscrición.

DÉCIMA. Os presentes premios levarán consigo a retención en concepto de IRPF, que resulte da aplicación segundo as normas contidas na normativa reguladora do imposto.

UNDÉCIMA. A decisión do xurado será inapelable O xurado do concurso terá a competencia de resolver calquera circunstancia non prevista nas presentes bases.

DUODÉCIMA. A participación no Concurso de Disfraces supón a total e plena aceptación destas bases.

En Cedeira, asinado dixitalmente na data que figura na marxe polo Sr. Alcalde Pablo Diego Moreda Gil, do que eu, Ana Velo Ruiz, como Secretaria, dou fe.

Documento asinado electronicamente, pódese validar a sinatura co código indicado na marxe na <https://sede.cedeira.es>.
(O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).

